

"СЫЛНЫЛЫК ТҮНЯШТЕ" ҮСТЕЛ ЙЫР ПОГЫНЫМАШ

Пеледыш тылзын 14-ше кечынже Морко рүдө книгаудышто поэт-писатель-влак дене черетан вашлиймаш эртыш. Үстел йыр погынымаште Морко кундемың уста писательже-влак Валентин Осипов-Ярча, Лидия Семенова, Владимир Егоров да ўжмө уна-влак лийыныт.

Погынымаште Марий Эл Республикысе тўвыран сулло пашаенже Валентин Осипов-Ярчан «Эх, Рая, Раисаж-а-ат» книгаж дене палыме лийна. Книган авторжо Марий Элын уста мурызыжо Раиса Даниловам порын шарналтыш да тудлан пөлеклалтше книгаже кузе возалтме дене палдарыш. Тиде жапыштак самырык годсо да кызытсе пагыт гыч шуко онгай историй-влакым шарналтыш.

Йоча писатель Владимир Егоров



60 ияш лўмгечыжлан лекше «Пөршангше ломбыгичке» книгаж дене палдарыш. Кажне сюжетын кузе шочмыж нерген палемдыш. Тудын ойлымашыже-влак тўналтыш да кыдалаш класслаште тунемше-вла-

клан пөлеклалтыныт.

Марий Элын сулло журналистше, серызе Лидия Семёнова «Сўанлык тувыр» кокымшо книгаже дене палдарыш. Тиде книгашке ойлымаш да эссе-влак пурталтыныт. Автор

ильш сўретым сылнымут произведенийыш савырымыж нерген каласкалыш. Самырык серызе-влаклан кузе чын возымо нерген ойым пуыш.

Вара мутым книгагудысо «Морко памаш» клубын чолга участникше Галина Кузьмина нале. Галина Васильевна «Тулык ватын ўдыржө» книгаж дене палдарыш да шке возымо «Шонго Макар» почеламутшым сылнын йонгалтарыш. Шке книгаштыже сар деч варасе неле ялысе ильш нерген возен.

Тыгай уста ең-влак дене ме кугешнена, ончыкыжат пентгыде кылым кучаш тўналына. Марий поэзий да прозо умбакыжат виянеш да у серызе-влак эшеат шукырак лийыт манын ўшанен кодына.

Алена ПЕТУХОВА,
книгагудо пашаен